



11-11-2021

Sarajevo, 2021. god.

Broj: 02-35861/21

Na osnovu člana 69. stav (2) tačka e), člana 70. stav (4) i člana 71. Zakona o javnim nabavkama Bosne i Hercegovine ("Službeni glasnik BiH" broj: 39/14), člana 95. Statuta Javnog preduzeća Elektroprivreda Bosne i Hercegovine d.d. – Sarajevo, prečišćen tekst - broj: NO-2190/21-41./2. od 25.01.2021. godine, člana 72., 73. i 74. Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-5155/15-52/5.1. od 26.02.2015.godine, Pravilnika o dopuni Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-16376/17-54/4 od 30.05.2017. godine, člana 4. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – Prečišćen tekst broj: 06-14208/20 od 29.05.2020.godine, Izvršni direktor za proizvodnju na preporuku Komisije za javne nabavke, donosi:

## **ODLUKU** **o poništenju postupka javne nabavke**

### **Član 1.**

Poništava se otvoreni postupak javne nabavke usluga koja se odnosi na održavanje i servis teretnih vozila i autobusa za potrebe Podružnice »Hidroelektrane na Neretvi« Jablanica, iz razloga što je cijena prihvatljive ponude znatno veća od planiranih sredstava, član 69. stav (2) tačka e) Zakona o javnim nabavkama Bosne i Hercegovine.

### **Član 2.**

Zadužuje se Služba za komercijalne poslove Podružnice »Hidroelektrane na Neretvi« Jablanica da u roku od tri dana, a najkasnije u roku od 7 (sedam) dana od dana donošenja ove Odluke istu dostavi učesniku i time ga ujedno obavijesti o rezultatima postupka nabavke.

### **Član 3.**

Ova Odluka objavit će se na web-stranici JP Elektroprivreda d.d. - Sarajevo ([www.elektroprivreda.ba](http://www.elektroprivreda.ba)), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

### **Član 4.**

Ova odluka stupa na snagu danom donošenja.

### **Obrazloženje:**

JP Elektroprivreda BiH d.d. Sarajevo, Podružnica »Hidroelektrane na Neretvi« Jablanica (u daljem tekstu Ugovorni organ), Odlukom broj 02-2-83-5474/21 od 12.10.2021.godine odobrila je provođenje postupka nabavke usluge koja se odnosi na održavanje i servis teretnih vozila i autobusa za potrebe Podružnice »Hidroelektrane na Neretvi« Jablanica putem Otvorenog postupka broj 10202-132/21. Istom Odlukom Ugovorni organ je imenovao i Komisiju za provođenje postupka javne nabavke (u daljem tekstu Komisija). Obavještenje o nabavci predmetne usluge broj 1409-1-2-143-3-104/21 je objavljeno na „Portal javnih nabavki“ dana 13.10.2021.godine i u Službenom glasniku BiH broj 63/2 od 15.10.2021.godine. Procjenjena vrijednost predmetne nabavke iznosi 10.900,00 KM bez PDV-a. Izvještajem o preuzimanju tenderske dokumentacije od strane ponuđača konstatovano je da je 7 (sedam) privrednih subjekata preuzelo tendersku dokumentaciju. Otvaranje ponuda je zakazano za 02.11.2021. godine u 13 sati, u prostorijama Ugovornog organa u Jablanici. Zapisnikom o otvaranju ponuda broj 10202-132/21 Komisija je konstatovala da je do isteka krajnjeg roka za dostavu ponuda, svoju ponudu dostavio slijedeći ponuđač, i to:

1. »RDS PROM« d.o.o. Mostar ..... sa cijenom od 13.600,00 KM (bez PDV-a)

Zapisnik sa otvaranja ponuda broj 10202-132/21 od 02.11.2021. godine je dostavljen ponuđaču u skladu sa Zakonom o javnim nabavkama BiH („Službeni glasnik BiH“, broj 39/14). Nakon otvaranja ponuda, Komisija je u svom daljnjem radu, na zatvorenom sastanku pristupila detaljnoj analizi dostavljene ponude sa ciljem utvrđivanja prihvatljivosti prema obliku, sadržaju i potpunosti dokumentacije, zatim kvalifikacije ponuđača, te ocjeni tehničke prihvatljivosti ponude. Nakon detaljne analize i ocjene ponude, Komisija je utvrdila da

ponuda ponuđača »RDS PROM« d.o.o. Mostar, ispunjava zahtjeve navedene u tenderskoj dokumentaciji u pogledu prihvatljivosti ponuda prema obliku, sadržaju i potpunosti dokumentacije, zatim kvalificiranosti ponuđača, te ocjenu tehničke prihvatljivosti ponude, to jest ocjenjena je kao prihvatljiva.

Polazeći od gore navedenih konstatacija, Komisija za nabavke je nakon izvršene kvalifikacione i tehničke ocjene pristupila ekonomskom vrednovanju ponude shodno utvrđenom kriteriju »najniža cijena« te je redoslijed - rang lista prihvatljivih ponuda ponuđača sljedeća:

Naziv ponuđača	Iznos u KM bez PDV-a	Rang
»RDS PROM« d.o.o. Mostar	13.600,00 KM	1

Osigurana sredstva za predmetnu nabavku iznose 10.900,00 KM bez PDV-a, a cijena prihvatljive ponude iznosi 13.600,00 KM bez PDV-a, što znači da je iznos prihvatljive ponude znatno veći od obezbjeđenih sredstava Ugovornog organa za predmetnu nabavku.

Cijeneći navedeno činjenično stanje, Komisija za javne nabavke je utvrdila da su ispunjeni uslovi iz člana 69. stav (2) tačka e) Zakona o javnim nabavkama BiH da se izvrši poništenje postupka javne nabavke, zbog toga što je cijena prihvatljive ponuda znatno veća od osiguranih sredstava za predmetnu nabavku, te je shodno tome predložila donošenje odluke o poništenju postupka javne nabavke.

Na osnovu ovog prijedloga Komisije, Ugovorni organ je donio odluku kao u dispozitivu.

#### Pravna pouka:

Svaki ponuđač koji smatra da je Ugovorni organ poništenjem postupka nabavke prekršio jednu ili više odredbi Zakona o javnoj nabavci i/ili podzakonskih akata ili Pravilnika ima pravo uložiti žalbu na postupak u pisanoj formi u roku od 10 (deset) dana od dana kada je njegov podnositelj primio Odluku o poništenju postupka javne nabavke. Žalba se podnosi Ugovornom organu JP „Elektroprivreda BiH“ d.d.- Sarajevo, Podružnica »Hidroelektrane na Neretvi« Jablanica u 3 (tri) originalna primjerka.



Izvršni direktor za proizvodnju

mr.sc. Samir Selimović

Dostaviti:

- Ponuđaču
- Službi za komercijalne poslove Podružnice "Hidroelektrane na Neretvi" Jablanica
- a/a